

2014 йил — соғлом бола йили



Муҳаммадкарим ШОМУРОДОВ
сурат-лавҳаси.

Болажонларнинг соғлом ўсиши уларнинг эртанги камолоти, ҳар томонлама етук инсонлар бўлиб улғайишида бениҳоя муҳим ўрин тутати.

Президентимиз раҳнамолигида мамлакатимизда оналик ва болаликни муҳофаза қилиш, келажагимиз ворислари бўлган фарзандларимиз соғлигини асраб-авайлашга алоҳида эътибор қаратилмоқда. Шу эзгу мақсадларда юртимизнинг ҳар бир гўшасида замон талабларига мос барча шарт-шароитлар муҳайё қилинган. Бундай беқиёс имкониятлар барчамизни қувонтиради, айниқса, мунис ва меҳрибон оналар қалбига ҳаловат, жондан азиз фарзандининг соғлигидан хотиржамлик ҳиссини бағишлайди.



“Оила ва жамият”
газетасини ўз оиласининг яна бир
ҳақиқий аззоси сифатида қадр-
лаб, биз билан ҳамфикр,
ҳаммаслак бўлиб келаётган
муҳтарам муштарийлар!
Унутманг, сеvimли газетангизга
йил бўйи обуна
бўлишингиз мумкин.



Индекс — 176

ҲИКМАТ

Аёлнинг энг бирин-
чи ва энг муҳим фа-
зилати — беозорлик.

Жан Жак Руссо.

Ўзбекистон Хотин-қизлар кўмитаси фаолиятидан

ОРАСТА ҚИЗЛАР ТАҚДИРЛАНДИ

Ўзбекистон Хотин-қизлар кўмитаси ва "Маҳалла" хайрия жамоат фонди ташаббуси билан ўтган йилда республикадаги барча маҳаллаларда "Ораста қизлар давраси" тўғрисида ташкил этилган эди. Ушбу фаолиятни жонлантириш, маҳалла қизларини умуминсоний ва миллий қадриятлар, ватанпарварлик руҳида, юксак одоб-ахлоқ мезонлари асосида тарбиялаш, уларнинг онги ва қалбини ғоявий таҳдидлардан ҳимоя қилиш, ёшларнинг бугунги кенг ислохотларга қаратилган фаол муносабатини шакллантириш ва соғлом турмуш тарзини тарғиб этиш мақсадида Қорақалпоғистон Республикаси, вилоятлар ва Тошкент шаҳрида "Ораста қизлар давраси" кўрик-танловлари ҳамда ушбу кўрик-танловлар ғолиблари ўртасида "Маҳалланинг энг

ораста қизлари" Республика форуми ўтказилмоқда.

Танловнинг дастлабки босқичларида 50 мингга яқин қизлар фаол иштирок этди. Улар орасидан энг фаол, етакчи бўлган қизлар (ҳар бир туман-шаҳардан 1 нафардан) танлаб олиниб, ҳудуд жамоаси таркибига киритилди ва Республика форумида 14 та жамоа таркибиде республикадаги 193 та туман-шаҳар вакиллари иштирок этди.

— "Ораста қизлар" тўғрисида орқали кўпгина дўстлар орттирдим, — дейди Қорақалпоғистон Республикаси Халқобод Саноат транспорт касб-хунар коллежи ўқувчиси Насиба Тонгтарова. — Дугоналаримдан орасталик, кийиниш маданияти, катталарга ва кичикларга қандай муомала қилишни ўргандим. Ўзи учун либос

тикиб кийган қизларга ҳавасим келарди. Тиқиш-бичиш тўғрисидаги чевар қизлардан либослар сиригини ўрганиб ҳозир анча тажрибам ошиб қолди.

Шунингдек, мазкур форум иштирокчиларининг ҳар бири Ўзбекистон Хотин-қизлар кўмитаси, "Маҳалла" хайрия жамоат фонди томонидан эсдалик совғалари, "Қамолот" ЁИХ ва ҳомий ташкилотлар томонидан диплом ҳамда махсус сертификат билан тақдирланди.

Форумда Ўзбекистон Республикаси Бош вазирининг ўринбосари, Республика Хотин-қизлар кўмитаси раиси Элмира Боситхонова иштирок этди.

Нигора РАҲМОНОВА,
"Оила ва жамият" мухбири.

ИСТИҚБОЛЛИ ДАСТУРЛАР

Президентимизнинг Фармони асосида 2012 йилда ташкил этилган Ангрен махсус индустриал зонаси Тошкент вилоятининг иқтисодий тараққиётида муҳим ўрин эгаллаб, ҳудуднинг ижтимоий ҳаётида катта ўзгаришларга ва янгиликларга олиб келди.

Бу янги тузилма қўшилган қийматга эга бўлган рақобатдош маҳсулотларни ишлаб чиқаришни таъминлаш мақсадида маҳаллий ва хорижий инвесторларни жалб этиш, вилоят иқтисодий салоҳиятидан комплекс фойдаланиш асосида янги иш ўринларини яратиш ва аҳоли даромадларини ошириш вазифаларини ўз олдига қўйган. Шу мақсадда индустриал зонада инвестицияларнинг ҳажмига қараб 3 йилдан 7 йиллик муддатларда 30 йил ичида махсус солиқ ва божхона имтиёзлари амал қилади. Бундан ташқари Ангрен шаҳри ўзининг бой табиий ресурслари, коммуникация имкониятларига эга ва шаҳар республикамиз воҳа вилоятларини Фарғона водийсига боғловчи стратегик ҳудуд сифатида индустриал зона салоҳиятини янада оширади.

Ангрен МЎЗ ўтган вақт мобайнида изчил ривожланиб, кундан-кунга иқтисодий имкониятлари кенгаймоқда ва унинг замонавий инфраструктураси шаклланимоқда. Жумладан, индустриал зона учун тақлиф этилган 11 та йирик лойиҳадан 3 таси: "Органик бўёқларни ишлаб чиқариш", "Ювиш воситаларини ишлаб чиқариш" ва "Куёш батареяларини ишлаб чиқариш" лойиҳалари Ангрен МЎЗ Маъмурий кенгаши томонидан қўллаб-

қувватланди ва амалиётга йўналтирилди. Умумий қиймати 60 миллион АҚШ долларидан ортиқ бўлган бу дастурлар асосида маҳаллий аҳоли етарли иш ўринлари билан таъминланди.

Шуни айтиш керакки, бундай тузилмаларнинг ташкил этилиши ҳудуд ёшларига ҳам имконият, ҳам масъулият юқлайди. Чунки индустриал зонага жалб этиладиган ёшлар, аввало, замонавий билимларни пухта эгаллашлари, компьютер технологияларидан тўлақонли фойдаланишни билиши ва халқаро иқтисодий алоқалар билан боғлиқ бўлган кўникмаларни ўзида ҳосил қилишлари лозим. Шу билан бирга, индустриал зоналар тадбиркорлар учун катта имкониятларни очиб, мамлакатнинг иқтисодий ўсишида ўзига хос аҳамият касб этади.

Шу каби эзгу мақсадларда юртимиздаги Ангрен, Навоий ва Жиззах махсус индустриал зоналари фаолиятида илгор ва замонавий инвестицион лойиҳаларнинг кенг йўлга қўйилиши республикамиз товарлари жаҳон бозорларига кириб бориб, мамлакатимизнинг экспорт салоҳияти янада юксалишига ҳам хизмат қилади

Бекзоджон РАЙМОВ,
Олий Ҳарбий Божхона институти тинловчиси.

Юртимизда оилавий тадбиркорлик субъектларини ҳар томонлама қўллаб-қувватлаш, уларга солиқ тўловларидан имтиёзлар бериш, тижорат банкларида имтиёзли кредитлар ажратишга алоҳида эътибор қаратилмоқда.

Шуни алоҳида қайд этиш жоизки, 2012 йил 26 апрелда "Оилавий тадбиркорлик тўғрисида"ги Қонуннинг қабул қилинганлиги, барча туман, шаҳар ҳокимликлари ҳузурида "Ягона ойна марказлари"нинг ташкил этилганлиги тадбиркорлик билан шуғулланиш истагини билдирган фуқароларга қўшимча имконият ва қулайликлар яратди.

Мазкур Қонуннинг 16-моддасига мувофиқ, оилавий корхона иштирокчиларига мулк ҳуқуқи асосида тегишли бўлган турар жойларни улардан оилавий корхона фаолиятида фойдаланиш мақсадида яшаш учун мўлжалланмаган жойларга айлантириш талаб қилинмаслиги, 26-моддасига асосан, оилавий корхона қонун ҳужжатларида белгиланган тартибда ягона солиқ тўловини тўловчиси бўлиши, оилавий корхонанинг фойдаси солиқ-

ОИЛАВИЙ ТАДБИРКОРЛИК:
имтиёз ва имкониятлар

лар ва бошқа мажбурий тўловлар тўланганидан кейин унинг иштирокчилари тасаруфига ўтиши ҳамда унга солиқ солинмаслиги ҳамда 28-моддасида оилавий корхона турар жойдан бир вақтнинг ўзида унда истиқомат қилган ҳолда товарлар ишлаб чиқариш (ишлар бажариш, хизматлар кўрсатиш) учун фойдаланган тақдирда, коммунал инфратузилма хизматлари (электр энергияси, сув таъминоти, канализация, газ таъминоти ва иссиқлик таъминоти) ҳақини тўлаш аҳоли учун белгиланган тарифлар бўйича ва шартлар асосида амалга оширилиши белгиланди.

Шунингдек, амалдаги қоидаларга кўра, оилавий корхона ўзи ишлаб чиқарган халқ бадийи ҳунармандчилиги ва амалий санъати буюмларини реализация қилишдан олинган тушум бўйича ягона солиқ тўловини тўлашдан қонун ҳужжатларида белгиланган тартибда озод қилинади ва оилавий корхонага кичик тадбиркорлик субъект-

лари учун қонун ҳужжатларида назарда тутилган имтиёзлар, преференциялар ва кафолатлар татбиқ этилади.

2012 йил 29 декабрда қабул қилинган "Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги Қонун билан Солиқ кодексининг 176-моддаси 8-бандига киритилган қўшимчага мувофиқ, солиқлар ва бошқа мажбурий тўловлар тўланганидан кейин хусусий корхона мулкдор ва фермер хўжалиги бошлиғи каби оилавий корхона иштирокчисининг ихтиёрида қоладиган фойда суммаси жисмоний шахсларнинг мулкий даромадлари таркибига киритилди. Шунингдек, Солиқ кодексининг 179-моддаси 6-бандига киритилган қўшимчага асосан, солиқлар ва бошқа мажбурий тўловларни тўланганидан кейин хусусий корхона мулкдори, фермер хўжалиги бошлиғи сингари оилавий корхона иштирокчиси ихтиёрида қоладиган фойда суммасига жисмоний

шахсларнинг даромад солиғи солинмаслиги белгилаб қўйилди.

Шу ўринда оилавий корхоналар ягона солиқ тўловини тўловчилар сирасига киришини ҳам келтириб ўтиш жоиз.

Оилавий тадбиркорликни қўллаб-қувватлашга доир қонун ҳужжатларининг амалиётга изчил татбиқ қилинаётганлиги оилалар иқтисодининг мустаҳкамланиши, улар турмуш тарзини янада яхшилашда ҳаётий аҳамият касб этмоқда.

Хусусан, Навоий вилоятида маҳаллий ҳокимликлар томонидан 2013 йил давомида 17 та ҳамда 2014 йилнинг ўтган даврида 13 та оилавий тадбиркорлик корхоналари рўйхатдан ўтказилган бўлиб, ушбу тадбиркорлик субъектлари фаолияти асосан ишлаб чиқариш ва маиший хизмат кўрсатиш йўналиши бўйича фаолият юритиб келмоқда. Масалан, Навоий шаҳар давлат солиқ инспекциясидан рўйхатдан ўтиб, 2013 йил март ойда ишлаб чиқариш

Тадбир
ЁШЛАР
МАРАФОНИ

Шуманай туман хотин-қизлар кўмитаси ташаббуси билан тумандаги ўрта махсус таълим даргоҳлари, "Маҳалла" хайрия жамоат фонди, "Қамолот" ЁИХ Кенгаши, туман ички ишлар, маданият ва спорт ишлари бўлимлари, тиббиёт бирлашмаси ҳамкорлигида "Соғлом она — соғлом бола суянчи" мавзусида акция ташкил этилди. Ёшларнинг сиёсий-ҳуқуқий маданиятини ошириш, қизларимизнинг конституциявий ҳуқуқларини тарғиб этиш, миллий анъана ва қадриятларнинг мазмунини тушунтириш ҳамда эрта турмуш қуришининг олдини олиш борасида тарғибот ишларини кенгайтириш мақсадида ўтказилган мазкур акция Шуманай туман 13-сонли Болалар мусиқа мактабида кўргазма билан бошланиб, "Соғлом турмуш тарафдоримиз!" шиори остида ташкиллаштирилган "Ёшлар марафони"га улашиб кетди. "Дўстлик гузари" кўчасида бўлиб ўтган ушбу марафонда педагогика коллежи талабалари Оразгул Абдирашулиева, Улбосин Утемуратова, қишлоқ хўжалик касб-хунар коллежи талабаси Ўйтолган Қошқаровалар ғолибликни қўлга киритишди. Уларга Қорақалпоғистон Республикаси Хотин-қизлар кўмитаси Фахрий ёрликлари ва ҳамкор ташкилотларнинг совғалари топширилди.

Тадбирда Қорақалпоғистон Республикаси Вазирлар Кенгаши раисининг ўринбосари, Қорақалпоғистон Республикаси Хотин-қизлар кўмитаси раиси З. Ибрагимова қатнашди.

Тамара КАЛЛИКИЛИЧОВА,
Шуманай туман хотин-қизлар кўмитаси раиси.

Жараён

фаолиятини бошлаган "Navoiy Marjona Kelajagi" оилавий корхонаси томонидан 2014 йилнинг ўтган даврида 72,0 миллион сўмлик товарлар (корхона ишчи-хизматчилари учун махсус кийим-бошлар) реализация қилинган ҳолда корхонада 10 та янги иш ўрни яратилган.

Шунингдек, Навоий шаҳрида 2013 йил декабрь ойида ишлаб чиқариш фаолиятини бошлаган "Surayyo-Textile" оилавий корхонаси томонидан 2014 йилнинг ўтган даврида 5 та янги иш ўрни яратилган ва 26,0 миллион сўмлик товарлар реализация қилинган.

Бундай эзгу саъй-ҳаракатлар нафақат шу оиланинг, балки улар тайёрлаган маҳсулотлар харидорларининг эҳтиёжларини қондириб, корхона хизматларидан фойдаланувчиларнинг манфаатларига ҳам хизмат қилмоқда.

Мардон ЖАББОРОВ,
Навоий вилояти давлат солиқ божқармаси бошлиғининг биринчи ўринбосари.

“НАВРЎЗБУЛОҚ” ДА ЯРАТИЛГАН ҚУЛАЙЛИКЛАР

Дарвоқе, Чиноз туман марказидаги қайси бир маҳаллага кирмайлик, деярли барчасида ишчанлик руҳи ҳукмрон эканлигига гувоҳ бўлдик. “Бизнинг ҳудудда

— Худудимизда жойлашган мактабда "Ораста қизлар" клуби ташкил этганмиз. 9-синфни битаётган қизларни устозлари билан бирга пиру бадавлат хонадонларга таклиф этиб, нуронийларимиз билан суҳбатлар уюштирамиз. Кексаларимиз мактаб, коллеж, ўқув даргоҳлари уларнинг бир умрик ушшамас оғзулари бўлиб қолганини, бугунги ёшлар давлатимиз томонидан яратиб берилаётган

Бир сўз билан айтганда, чинозлик фаоллар тажрибаси ҳар бир оилادا аҳиллик, ҳамжихатлик, ва энг муҳими, барқарорлик муҳитини мустаҳкамлашда ўзига хос аҳамиятга эгадир.

— Эзгу мақсадлари сари интилаётган корхонамиз томонидан ташкил этилган маданият ва истироҳат боғида туманимиз аҳолиси ўзларининг бўш вақтларини мазмунли ўтказиб, кўнгилдагидек ҳордик чиқармоқда, — дейди “Мақ-

ОАТБ “Кишлоқ қурилиш банк” Жиззах минтакавий филиали.



тахам бир кўргонга қиёслайман, — дейди “Бешкапа” маҳалласи маслаҳатчиси Дилфуза Тожихонова. — Бу манзилда турли миллат ва элат фарзандлари яшайди. Уларнинг ҳар бири билан осон тил топи-

27 ИЮНЬ — МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИ КУНИ

СЎЗГА, ҚАЛАМГА СУЯНГАНЛАР

Сўз масъулияти, тезкор ахборот даври, глобаллашув жараёнлари, рўй бераётган ўзгаришларга дахлдорлик туйғуси... Буларнинг барчаси ижодкор аҳлини ҳар доим ўйлантириб келаётгани ҳақиқат. Касб байрамимиз арафасида ушбу машаққатли ва ўз навбатида шарафли вазифани баҳоли қудрат уддалашга интилаётган бир қатор ҳамкасбларимизнинг бу борадаги фикр-мулоҳазаларини билиш мақсадида уларга қуйидаги саволлар билан мурожаат этдик:

1. Журналистика соҳасидаги ўзгаришларга муносабатингиз?
2. Ўз оилангиз ҳақида сўзлаб берсангиз.

Зафар САИДОВ,
Ўзбекистон Журналист-
лари ижодий уюшмаси ра-
иси ўринбосари:

1. — Ўтироф этиш керак-
ки, мустақиллик йиллари
матбуот ва оммавий ахборот
воситалари соҳасида ҳам

моқда. Бу тadbирлар аввало,
журналистларни маънан ва
моддий рағбатлантириш би-
лан бирга, уларнинг ижодий
малакаси ва касб маҳорати-
ни ҳамда жамиятдаги фаол-
лигини оширишга хизмат
қилмоқда.

кўп. Энди фақат қалам-даф-
тар билангина иш битмайди.

Ахборот технологияларининг
ўзи бир дунё. Бугунги журна-
лист оддий диктофон ёки
уяли телефондан тортиб, ин-
тернет алоқалари, телеком-
муникация воситаларининг

ҳаммасини му-
камал били-
ши керак. Акс
ҳолда иш жа-
раёнида панд
ёб қолиши ҳеч
гап эмас.

Мен ёш
журналистлар,
жумладан, бу-
гунги талаба-
ларнинг ўқиш,
изланишлари-
ни кўриб, куза-
тиб, бизлар
маънан эски-
риб қолдикми-
кан, деб ҳаво-
тирга ҳам ту-
шаман. Чунки
уларнинг дунё
ахборот мако-
нидан олаёт-
ган маълумот-
лари, маъна-
вий бойлиги
ниҳоятда кенг.

О б р а з и

ўзига хос янгиланиш ва ўзга-
ришлар даври бўлди. Соҳа-
нинг ҳуқуқий асосларини
мустаҳкамлаш бўйича бир
қатор хайрли ишлар амалга
оширилди, бевосита фаоли-
ятимизга оид ўндан ортиқ
қонун ҳужжатлари қабул
қилинди.

Давлатимиз раҳбари ҳар
йили касб байрамимиз му-
носабати билан йўллайдиган
табрикларида, энг аввало,
журналистлар олдида турган
энг долзарб вазифаларни
таъкидлаш билан бирга, соҳа
вакиллари меҳнатини кадр-
лаш, рағбатлантириш лозим-
лигини ҳам бот-бот такроф-
лайди. Шулардан келиб
чиққан ҳолда, Ўзбекистон
Журналистлар ижодий уюш-
маси Ўзбекистон Миллий ах-
борот агентлиги, Матбуот ва
ахборот агентлиги, Ўзбеки-
стон мустақил босма оммавий
ахборот воситалари ва ахбо-
рот агентликларини қўллаб-
қувватлаш ва ривожлантириш
жамоат фонди, Адлия вазир-
лиги, Ўзбекистон Касаба
уюшмалари федерацияси,
"Қамолот" ёшлар ижтимоий
ҳаракати ва бошқа ташкилот-
лар билан ҳамкорликда жур-
налистлар ўртасида бир
қатор танловлар, семинар-
тренингларни ўтказиб кел-

"Олтин қалам" миллий
мукофоти, "Йилнинг энг
фаол журналисти", "Энг улуғ,
энг азиз" каби танловлар ҳам
журналистларни соғлом
ижодий рақобатга чорлаб,
янада яхшироқ мақолалар
ёзишга, кўрсатувлар ва
эшиттиришлар тайёрлашга
даъват этмоқда. Танловлар-
да иштирок этаётган ижод-
корларимизнинг ярмидан
кўпи аёллар экани, уларнинг
жамиятдаги фаоллиги тобора
ортиб бораётганини кўрсатмоқда. Ёшларимиз
ҳам йилдан-йилга фаолла-
шиб боришмоқда.

2. — Уч фарзандимиз бор.
Турмуш ўртоғим Рихсиёр Са-
идова 30 йилдан ортиқ ЎзМУ-
нинг журналистика факульте-
тида талабаларга сабоқ бер-
ди. Фарзандларимиз Шухрат,
Зулфия ва Гулноза ҳаётда
ўзларининг муносиб ўринла-
рини топишган. Етти неваря,
бир неча чевараларнинг суяк-
ли бобоси-ю бувиси бўлишдек
бахтга муяссар бўлдик.

Хуршид ДЎСТМУҲАММАД,
**ёзувчи, Ўзбекистон Дав-
лат Жаҳон тиллари уни-
верситети кафедра муди-
ри:**

1. — Ҳозирги кунда жур-
налистнинг вазифалари жуда

қилиб айтадиган бўлсак, ил-
гари ёши катталар кичиклар-
га устозлик қилган бўлса,
ҳозир ёшларимиз катталарга
устоз бўлиб қоляпти. Улар у
ёки бу чет тилини, замонавий
ахборот технологияларни,
интернетдан унумли фойда-
ланишни билишади. Билим-
лари кенг.

2. — Оиламиз ихчамгина:
ўғил-қизимиз Жамшидбек ва
Хилолаҳон, куёвимиз Баҳо-
диржон, келинимиз Шахлооё
ҳамда шириндан-шакар не-
варалар жам бўлишса, рафи-
кам, инглиз тили ўқитувчиси
Ферузахон билан иккимиз
учун оиладаги энг завқли
дамлар ҳисобланади.

Саодат ЎРМОНОВА,
"Шухрат" медали
**ҳамда "Олтин қалам" мил-
лий мукофоти совриндо-
ри, тележурналист:**

1. — Менимча, журналист
биттагина соҳани ўрганиб, шу
билангина чекланиб қолол-
майди. У жамиятдаги ҳар бир
ўзгаришни зийраклик билан
илғаш, тинимсиз изланиши,
ўқиб, ўрганиши керак. Вақт
югуриқ. Агар бир кунлик,
ҳафталик, ойлик ва йиллик
режаларни олдин тузиб, ён
дафтарга қайд этмаса, май-
да-чуйда ишлар билан умр

ўтиб кетиши мумкин. Тартиб-
интизом билан аниқ мақсад
сари интилган журналистлар-
гина фаолияти давомида
яхши ютуқларга эриша ола-
дилар.

26 йилдан бери шу соҳа-
да меҳнат қиляпман. Талаба-
лик йилларимиздаги ижодий
учрашувларда устозларимиз-
дан бирининг "Журналисти-
ка аёллар учун анча оғир
соҳа", деган гапи сира ёдим-
дан чикмайди. Бугун аёлнинг
оиладаги ва жамиятдаги мав-
қеини мустаҳкамлаш бораси-
да мамлакатимизда салмоқ-
ли ишлар амалга оширилди.
Барча соҳалар каби журнали-
стикада ҳам яхшигина ютуқ-
ларни қўлга киритаётган аёл-
ларимиз жуда кўп.

Мендан айримлар телеви-
дениада "Қишлоқдан мактуб-
лар", "Қўнғил ободлиги",
"Мўъжизалар макони",
"Онамнинг ўғитлари" каби те-
лекўрсатувларни тайёрлашга
қандай улғурасиз, деб сўра-
шади. Энг муҳими, одам ўз
соҳасини яхши кўриши, иши-
дан завқ ола билиши керак.

2. — Турмуш ўртоғим,
"Спорт" телерадиоканали
режиссёри Анвар Ўрмонов
ишимни яхши тушунадилар.
Оила ташвишларини бирга-
лиқда, бамаслаҳат ҳал эта-
миз. Фарзандларимиз — Са-
ида Тошкент давлат Фарма-
цевтика институтини, Рав-
шан Тошкент солиқ коллежи-
да, Даврон мактабда ўқияп-
ти. Биз болаларнинг тарби-
ясига ҳам, ишга ҳам бирдек
вақт ажратишга ҳаракат
қиламиз.

Юлдуз КАРИМОВА,
радиожурналист:

1. — Ўзбекистон" радио-
каналида иш бошлаганимга
қарийб йигирма йил бўляпти.
Бу мураккаб соҳани устоз-
ларсиз тасаввур этиш муш-
кул. Шу маънода Убай Бурҳ-
онов, Афруза Умарова, Зул-
фия Обидова, Маъфура Му-
ҳаммедова каби фидойи ин-
сонлардан ҳаёт сабоқларини,
радиода иш юритиш тартиб-
лари, йўл-йўриқларини ўр-
гандим.

Келинчақлик кезларимда
қайнона ойижоним (охират-
лари обод бўлсин) кўшнлар
билан "Дугоналар" ва "Гул-
шан" радиожурналларини
тинглаб муҳокама қилганла-
рини сира унутолмайман.
"Насиб қилиб, радиода иш-
ласангиз, қишлоқ аёллари
ҳам ҳар бир эшиттиришни
қизиқиш билан тинглашини
унутманг", дейишарди улар
менга. Ҳар сафар янги эшит-
тиришлар тайёрлаётганимда
ана шундай талабчан ва зий-
рак тингловчилар кўз олдим-
дан кетмайди.

2. — Қизим Дилором кол-
лежни тугатиб, айни пайтда
банкда ишляпти. Ўғлим
Жавлонбек ҳарбий хизматни
ўтаб қайтгач, ўқишга кириш
учун тайёргарлик кўрапти.
Яратгандан фарзандларим-
нинг бахту иқболини тилаб
яшяпман.

"Оила ва жамият"
мухбири Ҳамроҳон
МУСУРМОНОВА
ёзиб олди.



КОБАЛТ — бу сўз ти-
лимизга немис тилидан
кириб келган. "Кобалт"
сўзи асли қадимги афсо-
наларда ер остидаги
конларни, хазиналарни
қўриқловчи митти жин-
нинг номи бўлган. Мен-
делеев даврий система-
сининг VIII гуруҳига ман-
суб кимёвий элемент,
қизғиш товланадиган ку-
мушсимон оқ, қаттиқ ме-
таллнинг номи ҳам "ко-
балт" деб аталади.

Бу хабарни эшитган
Даврон фермер "Ко-
балт" русумли авто-
мобида тезда
қишлоқ врачлик пунк-
ти ёнига етиб келди.

Журналдан

ФЕВРАЛЬ — янги ча-
календарь йил ҳисобида
иккинчи ойнинг номини
ифодалаган "феврал"
сўзи асли лотинча бўлиб,
"тозаланиш" деган маъ-
нони англатади.

Февралнинг ўртала-
рида ҳаво ўнмаша,
дала-тошни, тўқайлар-
ни босиб ётган қалин
қор ёпиғи тешила бош-
лади.

Абдулла Қаҳҳор

ВАСИҚА — бу сўз ада-
бий асарларимизда кўп
ишлатилади. Аслида у
"ҳужжат, шаҳодат" деган
маъноларни англатади.
Яқин ва ўрта Шарқ мам-
лакатларида жумладан,
Туркистонда ер-мулк
олди-сотдиси тўғрисида
тузилган ҳужжат "васиқа"
деб номланган.

Сотувчи ва олувчи
ўзаро келишганлари-
дан кейин... қозихона-
га бориб, васиқа
қилиб, қозикалонга те-
гишли муҳронани бе-
риб, муҳр бостирган-
лар.

Садриддин Айний.

Эсдаликлар

Эшқобил ШУКУР
тайёрлади.

ҚАРШИ ДАВЛАТ УНИВЕРСИТЕТИ ҚОШИДАГИ 2-СОНЛИ АКАДЕМИК ЛИЦЕЙ ЖАМОАСИ

республикамизнинг маънавий, ижтимоий-сиёсий ҳаётида фаол ишти-
рок этиб, келажагимиз эгалари бўлган ёшларимиз миллий истиқлол ғояла-
ри, юксак ватанпарварлик, ўз юртига садоқат руҳида камол топишлари-
да муносиб ҳисса қўшиб келаётган бар-
ча турдаги ОАВ ходимларини касб
байрами, яъни Матбуот ва оммавий
ахборот воситалари ходимлари куни
муносабати билан чин дилдан қутлай-
ди!

Барчангизга ҳамиша жўшқин илҳом,
ғайрат-шижоат, ижодий ютуқлар ти-
лаймиз!



“МАТБУОТ ТАРҚАТУВЧИ” ОЧИҚ АКЦИЯДОРЛИК КОМПАНИЯСИ ЖАМОАСИ

27 июнь — Матбуот ва
оммавий ахборот воситалари
ходимлари куни муносабати
билан сиз азиз
журналистларни, барча
йжодкорларни самимий
табриклайди!



Мустақил Ватанимиз равнақига
ҳисса қўшиб, халқимизнинг кундалик
ахборотга бўлган эҳтиёжини таъмин-
лашдек муҳим ва масъулиятли вазифа-
ларни уддалашда сизларга ғайрат-
шижоат ва муваффақиятлар тилаймиз.

Муҳтарам юртдошлар!
Севимли нашрларингизга
обуна бўлинг!

“МАТБУОТ ТАРҚАТУВЧИ” —
ОБУНАГА КЎМАКЧИ!

ҚАШҚАДАРЁ ВИЛОЯТИ ЧИРОҚЧИ ТУМАНИ ДАВЛАТ САНИТАРИЯ- ЭПИДЕМИОЛОГИЯ НАЗОРАТ МАРКАЗИ

жамоаси ўзларининг ҳалол
ва муносиб ижодий меҳнати
билан юртимизнинг янада
г у л л а б - я ш н а ш и ,
маънавиятимиз юксалиши
учун жўшқин ижод қилиб,
истиқлол ғояларини кенг
тарғиб этаётган матбуот
ва оммавий ахборот
воситалари ходимларини
касб байрами билан чин
дилдан муборакбод этади!

Ҳар доим қайноқ
илҳом, толмас куч,
ижодий муваффақиятлар
ҳамроҳингиз бўлаверсин!

ҚАШҚАДАРЁ ВИЛОЯТИ “НИШОНТУМАНГАЗ” ФИЛИАЛИ ЖАМОАСИ

*мустақил юртимиз тараққиёти, халқимиз
маънавияти учун сидқидилдан хизмат
қилаётган журналистлар,
матбаачиларни касб байрами —
Матбуот ва оммавий ахборот
воситалари ходимлари кунини
муносабати билан самимий қутлайди!*

РЕКЛАМА

**Барчангизга
катта ижодий
ютуқлар,
оилавий бахт-
саодат
тилаймиз!**



Тинч ва обод юртимизда ҳар бир соҳанинг тараққиёт одимлари, ислохотлар жараёнларини кенг ёритиш билан бирга, маънавиятимиз янада юксалиши учун баракали ижод қилаётган барча оммавий ахборот воситалари ходимларини касб байрами билан чин дилдан табриклаб, сизларга ижодий ютуқлар, хонадонингизга файзу қут-барака, тинчлик-хотиржамлик тилаймиз!



РЕКЛАМА

**Самарқанд вилояти
Пастдарғом туманидаги
“УМСИН МОМО”
фермер хўжалиги жамоаси**

Биласизми?

АЁЛЛИК ЗИЙНАТЛАРИ

Кийимлар, тақинчоқлар, сумка ва туфлиларнинг бир-бирига мос равишда танланиши аёллар ва қизларнинг нозик дидини намойиш этади.

Паст бўйли, кўллари кичкина аёлларга майда тошли узуклар мос келади. Улар йирик узукнинг тоши чўзинчоқ шаклда жойлашганини танласа ҳам бўлади. Кўзи овал ёки нок шаклида ишланган узуклар бармоқларни узун ва нозик қилиб кўрсатади. Қизлар ва ёш жувонларга унчалик катта бўлмаган битта тошли узукларни тақиш тавсия этилади. Йирик ёки кўплаб майда тошлар билан безатилган узуклар эса ўрта ёшли аёлларга ярашади. Иккитадан кўп узук тақишга одатланмаслик лозим. Шунингдек, йирик узуклар бармоқлари калта ва йўғон кўлларда жуда бачкана кўринади.

Юзи тўладан келган қиз-жувонлар думалок, осилганроқ зиракларни тақмагани маъқул. Бундай зираклар кўпроқ чўзинчоқ юзли, ўрта ёшли аёлларга ярашади. Кичкина, япалоқ зираклар юмалоқ юзли аёлларга мос



тушади. Келинчақлар ва жувонлар нафис кўринишдаги зиракларни таққани маъқул. Уларга катта-катта зираклар мос тушмайди.

Билагузуклар, одатда, ўнг кўлга тақилиши лозим. Тошли билагузуклар билакка ёпишиб турса, чиройли кўринади. Тошсиз ҳамда занжир кўринишдагилари эса эркин ҳолда осилиб тургани маъқул. Бир хилда ишланган икки билагузукни иккала кўлга тақиш мумкин. Аммо икки кўлига икки хил билагузук тақиш чиройли кўринмайди. Нозик билакли аёллар нафис кўринишдаги бир қанча занжирли билагузукларни битта билагига тақса ярашимли кўринади.

Сумка ва пойабзалларнинг ранги, кўриниши ҳам бир-бирига мос келиши лозим. Масалан, тасмали сумкага тасма безакли оёқ кийим, сарик рангли пойабзалга тўқ сарик рангли сумка мос келади. Қизил сумкага тўқ сарик рангдаги оёқ кийими танлангани маъқул.

Кўзойнақлар офтоб ва шамолдан ҳимояланиш воситаси бўлиши билан бирга, кийимларга ҳам мос ҳолда танланса, айти муддаодир. Думалок юзли аёллар ва қизларга қиррали, мураккаб шакл ва кўзга ташланадиган рангдаги кўзойнақ гардишлари мос келади. Думалок ёки овал юз-лилар учбурчак ёки квадрат шаклдаги кўзойнақларни тақишса, ярашиб туради.


Юз тузилиши квадрат шаклда бўлиб, ёноқлари туртиб чиққан аёллар жуда кичик ёки энсиз кўзойнақларни сотиб олмагани маъқул. Бундай юзли аёлларга йирик гардишли кўзойнақлар ҳам тўғри келмайди.

Латофат САЪДУЛЛАЕВА
тайёрлади.



ВИРТУАЛ ШИФОХОНА

“Виртуал” сўзини бугун тушунмайдиган одам топилмас керак. Виртуал алоқа, виртуал кутубхона, виртуал дарсликлар, виртуал кинотеатр, виртуал савдо ва ҳоказо. Ҳозирги кунда бу сўз тиббиётга ҳам бегона эмас. Ушбу соҳа неча асрлардан буён инсон саломатлиги учун самарали кураш олиб бормоқда. Энг мураккаб ва нозик жарроҳлик усуллари кашф этилган. Шу соҳага йўналтирилган кўплаб замонавий технологиялар ихтиро қилинган. Амалга оширилган муҳим янгиликлар қаторида виртуал шифохоналарни эътироф этиш мумкин.



Бундан бир неча йил аввал Америка билан Англия ҳамкорликда Виртуал Хоспитал – яъни виртуал шифохона ташкил қилган. Бу нафақат беморларгагина кўмак бериб қолмай, балки шу билан бирга, мутахассисларнинг ўзларига ҳам анча масалаларда асосли хизмат кўрсата олди. Энг сўнгги тиббиёт соҳасига оид маълумотлар, илимий қўлланмалар, янги дори-дармонлар ва уларнинг қўлланиш тартиби каби кўплаб зарур ахборотлар айти кунда ҳам интернет фойдаланувчилари учун тақдим қилиниб келинмоқда. Виртуал шифохоналарнинг интернет тармоғидаги фаолиятдан беморлар ҳам хурсанд. Содда мантиққа асосланган ҳолда айтиш мумкинки, виртуал шифохона ҳодимлари интернет соҳасида виртуал шифокорлар дейилади. Уларнинг интернетдаги веб саҳифалари айрим беморлар учун қадрдон бўлиб қолган бўлса, ажабмас. Техника ўз номи билан техника. Унда таҳмин, таваккал ва асоссиз натижалар бўлмайди. Шу ўринда эслатиб ўтиш керак, техника



сўзи қадимги юнонларда “санъат” деган маънода ифодаланган. Гўзаллик, соғлиқ ва саломатлиқнинг бир қўриғини дейдиган бўлсак, бунда техниканинг ўрни алоҳида билинади. Айниқса, бу борада компьютернинг имкониятларини шифокорлар жуда қадрлайдилар. Юз қиёфаси билан боғлиқ пластик жарроҳлик масаласи ўтган асрнинг 90-йилларига қадар катта муаммо ҳисобланар эди. Аммо компьютернинг реал амалиёти бу масалани ҳал қилишда муҳим роль ўйнайди.

Наргиза СИДДИҚОВА
тайёрлади.



ҚИММАТГА ТУШГАН ҲАЗИЛ

Қизим Мафтуна дугоналари билан тўйга кетаётганида мотоциклда келаётган ширакайф йигит ҳазиллашиб, қизлардан бирининг сочида тортидан. Шу пайт мотоцикл орқадан келаётган машина билан тўқнашиб, ҳалокат содир бўлган ва ундан бошқалар қатори қизим ҳам жабр кўрди. Ўнг оёғидан қаттиқ жароҳат

олди. Бахтимизга шифокорлар унинг ҳаётини асраб қолишди. Уч йил қўлтиқтаёққа таяниб юрди. Ҳозир салгина оқсоқланади. Яхши жойда ишлаяпти. Ёр-ёр сadolари остида ўзга хонадоннинг остонасига қадам қўйиб, чиройли оила барпо бўлишини кўриш мен учун бахт. **Ёши 27 да.** Ўзи каби бирор нуқсонни бор 35 ёшгача йигит учраса, хабар берарсизлар.

КУМУШ ая,
Тошкент шаҳри.

ИШОНЧИМНИ ОҚЛОЛМАДИ

— Бундан бир йил олдин тахририятга мурожаат қилиш фикри туғилди-ю, аммо бирор натижага эришармиканман, деб иккиланган юргандим, — **дега гап бошлади Тошкент вилоятидан келган Анора исмли аёл.** — 56 ёшдаман. Турмуш ўртоғим учинчи қизимга ҳомиладор вақтим бошқа бир аёлга ўйланиб, бизни ташлаб кетганди. Оллоҳга шукр, оёқ-қўлим бут, тани-жоним соғ экан, ҳалол меҳнат қилдим, яшаш учун курашдим. Фарзандларимни ҳеч нарсадан кам қилмай, оқ ювиб, оқ тараб ўстирдим. Қизларимни узатганимдан сўнг ёлғизлигим билина бошлади ва турмушга чиқишга қарор қилдим. Тошкент шаҳрида яшовчи, Умарали исмли 64 ёшли киши сингисини совчиликка юборибди. Учрашиб, гаплашдик. Илк кўришган кунимиздаёқ у менга, “Тоққа бориб, уч-тўрт кун хордиқ чиқариб келсак ва бир-биримизнинг характеримизни тушуниб олганимиздан сўнг турмуш курсак”, деса бўладими? Тўғриси-ни айтсам, ёши улуг одамга муносиб бўлмаган бундай бемаъни тақлифдан жуда хафа бўлдим ва унга рад жавобимни бердим. Бу ҳақда кўшни аёлга айтсам, у “Бахтли бўлинг” руқнига мурожаат қилишимни тайинлади. Уйим-жойим дейдиган, аёл кишига ҳурмат билан қаровчи 65 ёшгача бўлган Тошкент вилояти ёки Тошкент шаҳрида яшовчи иймонли-эътиқодли инсон бўлса, турмуш қуриш ниятидаман.

АНОРА опа,
Тошкент вилояти.

БИР УМР МИННАТДОРМИЗ

Учинчи фарзандимиз бир ёшга етгач, турмуш ўртоғим Ойгул оғир касалликка чалиниб, оламдан ўтди. Ёрқинжон онасининг меҳрига тўймай, етим қолди. Ёрқинжонни икки акаси катта қилишди. Яқинда у уч ёшга тўлади. Бир куни “Оила ва жамият” газетаси қўлимга тушиб, “Бахтли бўлинг” руқини ўқиб қолдим. 2013 йил газетага обуна бўлган эдим ва йил бўйи ушбу руқни кузатиб бордим. Бир-бирлари билан танишиб, оила қурганлар ҳақида ўқиб, тахририятдан бахтимни топишимга ишондим. 2013 йилнинг сентябрь ойида пойтахтга бориб, тахририятга хужжатларимни топшириб қайтдим. Орадан уч ой ўтгач, қўқонлик Маҳфуза исмли аёл билан танишдим. Маҳфузанинг турмуш ўртоғи оламдан ўтгач, бир нафар қизчаси билан бева қолган экан. Яқинда оиламизни қонуний никоҳ риштаси билан боғладик. Ўғилларим онали, Маҳфузанинг қизчаси эса отали бўлишида ўз хизматларини аямагани учун сизларга самимий миннатдорчилигимни билдираман.

СОБИР,
Фарғона вилояти.

ЙИГИТ ЙИҒЛАМАСИН...

Йигит киши оилани ҳар томонлама тўла таъминлай олишига ишонганидан кейингина турмуш қуриши керак экан. Мен ота-онамнинг истаги билан йигирма ёшимда уйланган эдим. Агар ўқиб, бирор касбнинг этагини тутганимдан сўнг оила қурганимда, балки ҳаётим бугунгидек чиғаллашиб кетмаган бўлармиди, деб ўйлайман. Биринчи аёлим билан ота-онамнинг қарамоғида яшаётганимизда қийинчиликлар унчалик сезилмади. Биринчи фарзандим туғилганидан сўнг алоҳида уй-жой қилиб кўчиб чиқдик. Соҳиданинг ҳам, менинг ҳам қўлимизда тайинли касб-хунаримиз бўлмагани боис, рўзгорни қандай тебратишни билмасдик. Бирин-кетин болаларимиз туғилиб, рўзгоримиз катталашди. Оилани моддий жиҳатдан таъминлаш учун дуч келган ишни қилишимга тўғри келди. Уч-тўртта ошоналарим билан хорижа ишлашга кетдим. У ёқда минг азоб билан қийналиб пул топиб, уйга юбориб турдим. Лекин... Аввалига яқин бир ўртоғим телефон қилиб, аёлимнинг ноҳўя хатти-ҳаракати ҳақида маҳаллада гап-сўзлар чиққанини айтиб қолди. Ишонгим келмади. Телефон қилиб ўзи билан гаплашдим, “Омон ака, сиз билан мени яхши яшаганимни кўролмайдиганлар тухмат қилишяпти, ишонманг, ҳеч қачон юзингизни ерга қаратмайман” деганидан кейин яна олти ойча қолдим. Киш арафаси қишлоққа қайтиб келдим. Хотиним бутунлай ўзгариб кетган, сочлари кесик, калта-култа шим-юбкаларни кийиб олган, тилла сирға, занжирлар... Муомаласиям бошқача. Шундаям сездирмади. Мени эса қишлоқда, уйдагилардан эшитган гап-сўзларим қийнаётган эди. Уч-тўрт кун ўтгач, каттароқ пул сўради. Мен кимдан оламан, десам, бўлмаса яна ишлагани кетинг, деса бўладими. Бир ҳафтадан сўнг пойтахтга кетдим, дедиму, уйдан чиқдим ва ярим тунда қайтиб келсам... У ёғини тасвишлашга сўз ожизлик қилади. Ҳақиқат ўзимни зўрға тутиб қолдим. Эрақ йиғламасин экан. Эртаси куни ота-онасини чақириб, судга ариза бердим. Болаларнинг иккиси ҳам мен билан қолди. Уч-тўрт йил онам бизларга қарашиб турди. Сўянган тоғим, онам оламдан ўтгач, болаларим аёл меҳри ва эътиборига муҳтож эканликлари ҳис этдим. Ёшим **39 да.** 30 ёшгача бўлган, сариштали, болам-чақам дейдиган аёл топилса хабар берсангизлар.

ОМОН,
Андижон вилояти.

ҲАЁТ БЕШИГИ

Тўй либосидаги келинчакнинг юз-кўзлари бахтиёрликдан, адл қомати келишган куёв қувончдан масрур. Улар ҳалигина дўсту ёрлари қуршотида "Бахт уйи"га қадам қўйишди. Икки ёшга никоҳ гувоҳномаси топширилди. Келин-куёвлар худди узукка кўз қўйгандек бир-бирига муносиб.

Турмуш қуришга аҳд қилган йигит-қизлар идорамизга келишганида аввало улар билан алоҳида суҳбат ўтказиб кўрамиз. Шундай пайтларда баъзи ёшларнинг бир-бирларини яхши билмаслигини сезиб қоламан. Уларга бу шовша-шовшарликнинг оқибатлари ҳаётий мисоллар асосида тушунтирилади ва бир-бирларини ўрганишлари учун маълум муддат берилади. Ҳозирда куёв томон ҳам, келин томон ҳам бир-бирини суриштириб билишга ҳаракат қилиб, "умр савдоси" дея таърифланган тақдир ишига жиддий қараётгани кузатилади. Бўлимимиз қошида "Оила дорилфунуни" клуби бор. Ёш оилалар, турмуш қурмоқчи бўлган йигит-қизлар ушбу клубга таклиф қилиниб, ҳар ҳафтада машғулотлар олиб бораёلمиз. Унда ҳаёт тажрибасига эга нуронилар, фуқаролар йигини маслаҳатчилари, имом-хатиб, шифокорлар қимматли маслаҳат-

ларини беришади, йўл-йўриқ кўрсатишади. Соғлом фарзанд туғилиши учун туғуруқ оралигининг уч йилдан кам бўлмаслиги, келиннинг соғломлиги, яхши овқатланиши-гача катта аҳамиятга эгалиги тушунтирилади. Бундай саъй-ҳаракатлар туфайли бугун туманимизда никоҳланувчиларнинг юз фоиз тиббий кўрикдан ўтишига эришилди. Бундай тадбир эса ажримларнинг, носоғлом болалар туғилишининг олдини олишда муҳим роль ўйнамоқда. Тарғибот ишларимиз намунали йўлга қўйилганлиги боис ёлғиз оналар сони йилдан-йилга камайиб бораёпти. Баъзан ажрашаман, деб аччиқ устида ариза бериб кетадиганлар учрайди. Биз уларга маълум муддат ўйлаб қўришларини айтамыз, бу орада фуқаролар йигини қошидаги Яраштириш комиссиялари аъзолари билан биргаликда ўша хонадонларга бориб суҳбат-

лашамиз. Кўпинча улар муроасага келиб, аризаларини қайтариб олишади. Зеро, оила инсон ҳаётига мазмун бағишлайди, унга суянч, фарзандлар учун ҳаёт бешигидир.

Шоҳида САЪДУЛЛАЕВА,
Самарқанд туман ФХДЁ бўлими мудири.

ШУ ФАМИЛИЯДА ҚОЛИШГА ҲАҚЛИ

Турмушга чиқаётганда ўз фамилиясини ўзгартирган аёл никоҳдан ажратилганидан сўнг ҳам шу фамилияда қолиши мумкинми?

Т. Эгамбердиева.

МЕРОСДАН ВОЗ КЕЧИШ

Ўзига қолдирилган меросдан воз кечиш мумкинми?

М.Норматов,
Паркент тумани

Ўзбекистон Республикаси Фуқаролик кодексининг 1147-моддасида белгиланишича:

"Меросхўр мерос очилган кундан эътиборан исталган вақтда меросдан воз кечишга ҳақли.

Меросдан воз кечиш меросхўр томонидан мерос очилган жойдаги нотариусга ариза бериш орқали амалга оширилади.

Агар ишончномада вакил орқали меросдан воз кечиш ваколати махсус назарда тутилган бўлса, меросдан шу тарзда воз кечилиши мумкин.

Меросдан воз кечиш кейинчалик бекор қилиниши ёки қайтариб оlinиши мумкин эмас."

Шунингдек, мазкур Кодекснинг 1148-моддасига асосан:

"Агар меросхўр васиятнома бўйича ҳам, қонун бўйича ҳам ворисликка қақирилса, у ана шу асосларнинг бири ёки ҳар иккаласи бўйича ўзига тегишли бўлган меросдан воз кечишга ҳақли.

Меросхўр улушнинг ортиши ҳуқуқи бўйича ўзига тегишли бўлган меросдан, мероснинг қолган қисмига ворисликдан қатъи назар, воз кечишга ҳақли.

Меросхўр меросдан воз кечганида васиятнома бўйича ёки қонун бўйича меросхўрлар жумласидан бўлимиш бошқа шахслар фойдасига воз кечётганини кўрсатишга ҳақли.

Ушбу моддада назарда тутилган ҳоллардан ташқари мероснинг муайян қисмидан воз кечилишига, меросдан изоҳотлар билан ёки шартлар қўйиб воз кечилишига йўл қўйилмайди."

Саволга Паркент тумани ДНИ
нотариуси Бахтиёр МАҲКАМОВ
жавоб берди.

Ўзбекистон Республикаси Оила кодексининг 46-моддасига асосан:

"Никоҳга кириш вақтида ўз фамилиясини ўзгартирган эр (хотин) никоҳдан ажратилгандан кейин ҳам шу фамилияда қолишга ҳақли ёхуд унинг хоҳишига бinoан суд томонидан никоҳдан ажратиш тўғрисидаги қарор чиқарилаётганда унга никоҳгача бўлган фамилияси қайтарилиши мумкин."

Саволга Бекобод шаҳар ФХДЁ бўлими 1-тоқфали инспектори
Хуррият АРТИКОВА
жавоб берди.



РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ўқув маркази

қуйидаги ўқув курсларига таклиф этади:

Тикувчилик — 3 ой.

Тўй ва оқшом либослари — 1-2 ой.

Аёллар костюм-шимми, плаш-пальто — 1-2 ой.

Ҳамшира — 6 ой. 4 ойи ўқиш, 2 ойи амалиёт.

Ҳамшира (тезкор) — 3-4 ой (амалиёти билан).

Тиббий массаж — 3 ой (2 ой ўқиш, 1 ой амалиёт).

Торт ва пишириқлар — 2 ой.

Олий торт безатиш курси — 1 ой.

Уйғур, Европа таом ва салатлари — 2 ой.

Ҳаҳон таомлари — 2 ой.

Аёллар сартарошлиги — 3 ой.

Тўй ва оқшом турмақлари ва макияж — 1 ой.

Бухгалтерия ҳисоби — 3 ой (0 дан балансгача).

Элита парда ва чойшаблар тикиш — 1 ой.

Элита парда ва чойшаблар тикиш олий курси — 1

ой.

Бичиш-тикиш, моделлаштириш ва малака ошириш — 1 ой.

Сартарошлик — 2-3 ой (ўғил болалар учун).

Тирноқ, киприк ўстириш ва дипелация — 1 ой

Каштачилик — 3 ой (машинадада вишивка). Тўқувчилик — 3 ой.

Инглиз тили — 3 ой, рус тили — 3 ой, турк тили — 3 ой, корейс тили — 3 ой.

Бисер, яъни мунчоқ тикиш — 2 ой.

Декоратив гул ясаш — 1 ой. Сарпо қути ва саватлар ясаш — 1 ой

Бисердан гуллар, дарахтлар ясаш — 2 ой.

Карвинг (мева ва सबзавотлардан композиция ясаш) — 3 ой.

Компьютер сабоқлари — 2 ой, Интернет — 1 ой.

Барчаси амалиёти билан. Ётоқхона мавжуд.

Ўқишни тугатганларга ДИПЛОМ берилади.

МАНЗИЛ: Юнусобод тумани 3-мавзе 1-уй 31-хона. МЎЛЖАЛ: Юнусобод деҳқон бозори бош тарафи орқасида.

Тел: (8 371) 221-17-95, 221-77-72, +99894 678-50-30 225-97-93 (18⁰⁰ дан 22⁰⁰ гача).

ФИЛИАЛ МАНЗИЛИ: Ҳамза тумани Фарғона йўли кўчаси 4-уй 40-хона. МЎЛЖАЛ: Қўйлик кийим бозори рўпарасида.

ТЕЛ: (8371) 295-97-82, +99894 678-50-30 (кундузи)

Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро хайрия фонди

Тахририятга келган қўлёзмалар муаллифларга қайтарилмайди. Рекалама материаллари мазмунини ушун тахририят жавобгар эмас.

«Шарқ» нашриёт-матбаа акциядорлик компанияси босмаҳонасида чоп этилди. Тошкент, Буюк Тўрон кўчаси, 41-уй. Босишга топшириш вақти — 15:00. Босишга топширилди — 15:00.

E-mail: oilavajamiyat@sarkor.uz

ISSN 2010-7609



Бosh муҳаррир:
Норқобил ЖАЛИЛОВ

Навбатчи муҳаррир — Дилором МАТКАРИМОВА

Саҳифаловчи — Илҳом ЖУМАНОВ

Мусаҳҳихлар — Саидгани САЙДАЛИМОВ,

Мадина АЛЛАБЕРГАНОВА

МАНЗИЛИМИЗ: Тошкент — 100000. Амир Темур кўчаси 1-тор кўча, 2-уй. Мўлжал: Олой бозори ёнида

Ўзбекистон Матбуот ва ахборот агентлигида 0169-рақам билан рўйхатга олинган. Буюртма Г — 637. Формати А-3, ҳажми 2 табоқ. Адади — 9629. Баҳоси келишилган нархда.

ОБУНА ИНДЕКСИ — 176

Қабулхона: (тел-факс) 233-28-20

Котибият: 233-04-35, 234-76-08

Мухбирлар: 233-04-50

«Оила» бўлими: 234-25-46

Web-site: oila-va-jamiyat.uz

1 2 4 5



БРАЗИЛИЯ:

ҚУЧЛИЛАР САРАЛАНМОҚДА

Жаҳон чемпионати, гуруҳ босқичи, А ва В гуруҳида голиблар номи аниқ бўлди.

А гуруҳида биринчи ўринни эгаллаган Бразилия терма жамоаси 1/8 финалда В гуруҳида иккинчи ўринни қўлга киритган Чилига қарши майдонга тушади.

В гуруҳи голиби Нидерландия терма жамоаси эса А гуруҳида иккинчи бўлган Мексика билан куч сынашади.

Эслатиб ўтамыз, 1/8 финал ўйинлари 28 июнда бошланади. Ушбу босқичнинг дастлабки учрашуви Тошкент вақти билан соат 21.00да старт олади.

ШАХМАТЧИЛАРИМИЗ — ОСИЁ ЧЕМПИОНИ

Пойтахтимизда шахмат бўйича 12 ёшгача бўлган ўғил-қизлар ўртасида ўтказилаётган Осиё чемпионати-нинг рапид — тезкор шахмат баҳсларида голиб ва совриндорлар аниқланди.

Швейцарча тизимда етти турдан иборат баҳсда ўз маҳоратини намойиш этган шахматчиларимиз иккита олтин ва битта бронза медални қўлга киритди.

Ўн икки ёшгача бўлган ўғил болалар баҳсида катнашган Нодирбек Ёқуббоев тожикистонлик Сухробжон Авалбоев, хиндистонлик Ананд Саурабх ва Сриватшав Рахул, қирғизистонлик Руслан Сездбеков, мўғулистонлик Отгонбаяр Чингуунни мағлубиятга учратди. Хиндистонлик Аравинд Рам ва яна бир шахматчимиз Мухаммадали Абдурахмонов билан дуранг ўйнаган Нодирбек шу тариқа 6 очко билан биринчи ўринни эгаллади. Хиндистонлик Аравинд Рам иккинчи, мўғулистонлик Ёндонжамц Эрдедалай учинчи поғонадан жой олди.

Олти ёшгача бўлган ўғил болалар баҳсида ёш шахматчимиз Оқжол Раҳматуллаев ҳам олти очко жамғарган ҳолда Осиё чемпиони бўлди. У етти партиядан иборат баҳсда хиндистонлик Рамдас Анант, Рамакришнан Никхил, мўғулистонлик Баттерел Энхзориг ва Очир-Эрдене Ариунболд ҳамда жамоадоши Ақобир Сайдалиев устидан ғалаба қозонди.

Саккиз ёшгача қизлар баҳсида катнашган Омина Назарова беш очко билан бронза медални қўлга киритди.

Интернет манбалари асосида
Илҳом ЖУМАНОВ
тайёрлади.